

GUNE ZOOLOGIKOEN ERREGISTROA

81/2006 DEKRETUA, apirilaren 11koa, gune zoologikoei buruzkoa.

- 1.- Eskaera-orria, beteta eta sinatuta.
- 2.- Nortasun-agiriaren fotokopia.
- 3.- Zentroko jarduera deskribatzen duen memoria, zentroan eskura dauden baliabide materialen eta giza baliabideen zerrendarekin.
- 4.- Zentroaren edo establezimenduaren eta instalazioen krokisa.
- 5.- Barruan egongo diren espezien zerrenda.
- 6.- Instalazioen higiene-programa, desinfektatzeko eta intsektuak eta arratoiak hiltzeko lanetan adituak diren langileek egina.
- 7.- Merkataritzako jardueraren bat egiten duten zentroetan, bertako basa-animaliak edo animalia exotikoak zaintzeko eta hazteko programak egiten dituzten horietan, eta etxe-abereei edo basa-animalei buruzko hezkuntza- edo prestakuntza-programak egiten dituzten guneetan, Albaitaritzako lizentziatu bat eta osasun-profilaxiari buruzko programa bat eduki beharko dute.
- 8.- Laugarren artikuluko baldintzak betetzen direla egiaztatzen duen agiria.
Betekizun orokorrak (denek bete beharrekoak). I. Eranskina.
Betekizun zehatzak:
Arriskutsuak izan daitezkeen animaliak. II. Eranskina.
Txakurrak eta katuak. III. eranskina
Basanimaliak. IV. eranskina
Nahitaez aditzera eman behar diren gaixotasunekin kutsatu daitezkeen animalien estatuen arteko merkataritza-trukeak. V. eranskina
- 9.- Gune Zoologikoen Erregistroaren ordainketa-gutuna
(Abeltzaintza Zerbitzuak edo eskualdeko nekazaritza bulegoak ematen du)

I. ERANSKINA

GUNE ZOOLOGIKO GUZTIEK BETE BEHARREKO OSASUN BETEKIZUNAK ETA ANIMALIEN ONGIZATEAREN INGURUKO BETEKIZUNAK

I.- Toki egokian kokatuta egongo dira.

II.- Instalazio eta ekipo egokiak edukiko dituzte animaliak behar diren higiene-baldintzekin maneiatu ahal izateko.

III.- Behar adina ur edukiko dute, eta ura behar den kalitatekoa izango da, gune zoologikoa era egokian garbitu ahal izateko. Merkataritzako helburua duten gune zoologikoetan, gutxienez, garbiketarako ur beroa eta hotza bideratzeko sarea eduki beharko dute.

IV.- Hondakinak ezabatzeko sistema egokia izango dute, ingurunea kutsatzeko edo osasun-aldeko arriskurik egon ez dadin, ez beste animalia batzuentzat ez eta pertsonentzat ere.

V.- Behar diren baliabideak edukiko dituzte animaliak maneiatzeko erabilitako instalazioak, materialak eta ibilgailuak garbitzeko eta desinfektatzeko. Gune zoologikoetan –20 m2ko azaleratik beherako instalazioak dituzten bilduma zoologiko, hegazi-denda eta txakurtegi pribatuetan izan ezik–, presiozko eta/edo lurrunezko garbiketako makina bat eduki eta aldian behin erabili beharko da; horrez gain, garbitzeko eta desinfektatzeko produktuak biltegitratzeko berariaz erabiltzen den leku bat eduki beharko da.

VI.- Une oro bermatu beharko da instalazioak eta ekipoak aski erosoak direla animalientzat, bai ostatu hartzeko lekuak, bai aisialdirako eta ariketa fisikoa egiteko prestatutako tokiak (aukera hori eman behar baitzaie nahitaez), bai eta osasun-laguntzako eta garraioko tokiak ere. Espezieak edo aleak kanpoaldeko girora eta eguraldi txarrera jarrita ez badaude, animalia horiek behar bezala babestu beharko dira. Instalazioek egokiak izan beharko dute, animaliek janaria eta ura jaso dezaten behar den kopuruan eta kalitatearekin.

VII.- Sistema bat eduki beharko da gorozkiak, mendak, simaurrak, gorpuak eta gunean egiten diren ohiko jardueretan sortzen den edozein gai ezabatzeko.

VIII.- Programa bat eduki beharko da instalazioak eta materiala garbitzeko, desinfektatzeko eta intsektuak eta arratoiak hiltzeko; eta, merkataritza-xedeko gunea izanez gero, sistema hori aditu batek gainbegiratu beharko du.

IX.- Animalien osasun-profilaxiaren programa prestatzeko eskatu ahal denean, programa horretan ondo jaso beharko da sartu berriak diren animaliekin osasun-aldetik egingo diren jarduerak eta gune zoologikoetan gehien aurreikusten diren patologia agertzen direnean nola jokatu den. Horrez gain, gune zoologikoak leku eta material egokiak eduki beharko ditu profilaxi-planeari aurreikusitako osasun-arloko neurriak gauzatu ahal izateko, animaliei eta pertsonen isolamendu-maila egokia bermatuz.

X.- Toki eta material egokiak eduki beharko dira espezie eta animalia-mota bakoitzarentzat aurreikusi den gehienezko edukiera aintzat hartuta, eta, gainera, toki eta material horiek egokitu beharko dira ikuspegi etologikotik eta osasun- eta segurtasun-aldeak behar diren gainerako baldintza zehatzetara.

XI.- Instalazio eta bitarteko aski eduki beharko da animaliek ihes egitea galarazteko eta, era berean, baimenduta ez dauden animalia arrotzik barrura sar ez dadin.